



REPUBLIKA E KOSOVËS-REPUBLIKA KOSOVA-REPUBLIC OF KOSOVO  
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD CIVIL SERVICE OF KOSOVO

Planuar / Dorezuar Primjenod/Pratido Received/Delivery	22. 08 2022	2	viti god year
Organ /Njesia Organ /Jednitsa Org./Unit	Nr Prot Br Prot Prot No	Shtojca Prilog Appendix	Sasia Kolicina Quantity
SKPM/SHK	4874/2022		1/6



**Republika e Kosovës**  
**Republika Kosova – Republic of Kosovo**

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS**  
**NEZAVISNI NADZORNI ODBOR CIVILNE SLUŽBE KOSOVA**  
**INDEPENDENT OVERSIGHT BOARD FOR THE CIVIL SERVICE OF KOSOVO**

**A.nr.780/2021**

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Malsore Gashi-Bajraktari-kryetare, Arben Mehmeti dhe Eshref Shabani -anëtarë, si dhe Avdyll Beketeshi, Zyrtar i Lartë për Bashkëpunim Profesional në cilësinë e procesmbajtësit, sipas Aktgjykimit me numër A.nr.2785/2021 të datës 10.06.2022 të Gjykatës Themelore-Departamenti për Çështje Administrative në Prishtinë, për shqyrtimin e ankesës me numër A.nr.780/2021 të parashtruar nga akuesja [redacted] përmes postes elektronike emailit [redacted] me datë 09.02.2021, me adresë: rruga [redacted] në Komunë të Fushë Kosovës, kundër organit të punësimit/Policia e Kosovës, në çështjen juridike "kompensim material", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur më datën 22.08.2022, mori këtë:

**V E N D I M**

**REFUZOHET** si e pa bazuar ankesa me numër A.nr.780/2021, e datës 02.09.2021, e parashtruar nga ankuesja [redacted]

**A r s y e t i m**

Ankuesja [redacted] e punësuar në Policinë e Kosovës, sipas kontratës së punës të datës 06.05.2013 në pozitë Zyrtare e lartë e infrastrukturës rrugore", në Departamentin e Divizionit të Komunikacionit Rrugor, me datë 25.08.2021 ka parashtruar kërkesë tek Departamenti i Burimeve Njerëzore-Drejtoria e Personelit dhe Departamenti për Shërbime Mbështetëse -Drejtoria për Buxhet dhe Financa në Policinë e Kosovës, për realizimin e shpërblimeve të një page mujore ekuivalente me pagën e rregullt në funde për vitin 2018,2019,2020 dhe 2021, shtesën në pagë prej 1% për kualifikim shkollor master dhe shujtën ditore, shtesën në pagë për 0.5% të pagës për cdo vit dhe atë retroaktiv nga viti 2018 e tutje, e cila me datë 26.08.2021 ka pranua përgjigje me numër reference :07/1-01SAP-P/7007 nga Drejtori i Drejtorisë së Personel -DPP dhe Shefes së Sektorit të Administratës dhe Personelit, lidhur me refuzimin e kërkesës së datës 25.08.2021.

Ankuesit kundër përgjigjes së datës 26.08.2021 me numër reference: 07/1-01SAP-P/7007, me 02.09.2021 ka parashtruar ankesë me numër protokollit 4476/2021 me numër të regjistruar [redacted]

A.nr.780/2021 në Këshillin e Pavarur Mbikëqyrës për Shërbimin Civil të Kosovës, me pretendime ankimor për njohjen e kompensimit e pagës së trembëdhjetë (13) ekuivalente me pagën e rregullt në fund të vitit për periudhën 2018,2019,2020 dhe 2021, si dhe shtesën në pagë prej 1% për kualifikim shkollor master dhe shujtën ditore, konform nenit 29 paragrafi 1 paragrafi 2 dhe 3 të Udhëzimit Administrativ nr. 02/2018 mbi marrëdhënien e punës në Policinë e Kosovës si dhe shtesën në pagë për 0.5% të pagës për çdo vit dhe atë retroaktiv nga viti 2018 e tutje, konform nenit 29 paragrafin 4 të njëjtit udhëzim.

Këshilli i Pavarur Mbikëqyrës për Shërbimin Civil të Kosovës, më datë 06.09, ka dërguar kërkesën për përgjigje në ankesën e ankuesit tek Policia e Kosovës. Këshilli me datë 17.09.2021 ka pranuar përgjigjen në ankesë se bashku me shkresat e lëndës.

Me datë 12.10.2021 Këshilli i Pavarur Mbikëqyrës për Shërbimin Civil të Kosovës, e ka njoftuar ankuesin lidhur me mos funksionimin e Këshillit dhe kjo e ka bërë të pa mundur vendosjen e ankesës së ankuesve, të cilët janë udhëzuar që të vazhdojnë me procedurat e mëtejme në pajtim me Ligjin për konfliktin Administrativ.

Ankuesit pasi e kanë pranuar njoftimin e datës 12.10.2021 kanë ushtruar kërkesë padi në Gjykatën Themelore në Prishtinë Departamenti për Çështje Administrative, i cili me datë 10.06.2021 ka nxjerrë Aktgjykimin me numër A.nr.2758/2021, të pranuar me datë 22.07.2022 nga ana e Këshillit të Pavarur Mbikëqyrës për Shërbimin Civil të Kosovës, me numër protokolli 4252/2022, i cili ka aprovuar kërkesë padinë e ankuesit duke anuluar Njoftimin e datës 12.10.2021 dhe ka detyruar Këshillin e Pavarur Mbikëqyrës për Shërbimin Civil të Kosovës, që të vendos për ankesën e datës 02.09.2021 të ankuesit me numër Anr.780/2021.

**Kolegji për Shqyrtimin dhe Vendosjen e Ankesave administroj këto prova:** Aktgjykimet me numër A.nr.2758/2021 të Gjykatës Themelore në Prishtinë Departamenti për Çështje Administrative i datës 10.06.2022; E-mail i datës 02.09.2021-Ankesë e regjistruar me numër protokolli 4476/2021 të regjistruar me numër A.nr.780/2021 të datës 02.09.2021 e parashtruar në Këshillin e Pavarur Mbikëqyrës për Shërbimin Civil të Kosovës; Diplomë nr. 438 e datës 12.10.2009, shtojcë e diplomës e datës 26.08.2021; Kërkesë e datës 25.08.2021 e parashtruar tek Departamenti i Burimeve Njerëzore-Drejtoria e Personelit dhe Departamenti për Shërbime Mbështetëse - Drejtoria për Buxhet dhe Financa në Policinë e Kosovës; Përgjigje e datës 26.08.2021 me numër reference :07/1-01SAP-P/7007 lëshuar nga Drejtori i Drejtorisë së Personel -DPP; Vërtetim i punës i datës 30.04.2021; Formularë për vlerësimin e rezultateve në punë i datës 15.01.2018; Përgjigje në ankesë e datës 17.09.2021 me nr. Protokolli 7688/2021; Kontratë e punës e datës 06.05.2013; Vendim nr. Reference 07/1-01A/265 e datës 07.05.2013; Përshkrim i detyrave të punës e datës 01.06.2015; E-mail i datë 22.05.2021 lidhur me përgjigjen e Drejtorisë së Buxhetit dhe Financave në Policinë e Kosovës.

Kolegji për Shqyrtimin dhe Vendosjen e Ankesave, pas ka shqyrtimit të shkresat e lëndës të parashtruar nga ankuesja ka konstatuar se ankesa e ankueses, është e pa bazuar, sepse:

Kolegji për Shqyrtimin dhe Vendosjen e Ankesave, ka shqyrtuar pretendimet ankimore të ankueses lidhur me kompensimin për pagën e 13, shujtën ditore si dhe shtesa për kualifikim shkollor sipas Udhëzimit Administrativ Nr.02/2018 mbi Marrëdhënien e Punës së Policisë së Kosovës.

Kolegji për Shqyrtimin dhe Vendosjen e Ankesave, lidhur me pretendimet ankimore të ankueses, ka konstatuar se, duke u bazuar në themelimin e marrëdhënies së punës së tyre në Policinë e Kosovës, në bazë të nenit 3 paragrafin 5 të Ligjit Nr.3/L-149 për Shërbimi Civil i Republikës së Kosovës, ankuesja është nëpunëse civile e punësuar në Policinë e Kosovës, siç e përcakton kjo dispozitë: **"5. Personeli civil i punësuar në Policinë e Kosovës, në Forcën e Sigurisë së Kosovës, në Doganat e Kosovës, në Shërbimin Korrektues të Kosovës, është pjesë e shërbimit civil të Kosovës dhe i nënshtrohet këtij ligji dhe legjislacionit përkatës në fuqi"**, që në kohën kur është miratuar Udhëzimi Administrativ Nr.02/2018 i datës 14.11.2018 mbi Marrëdhënien e Punës në Policinë e Kosovës, ka qenë në fuqi Ligjit Nr.3/L-149 për Shërbimi Civil i Republikës së Kosovës dhe aktet nënligjore që zbatohen për këtë fushë, respektivisht neni 4 paragrafi 1, të këtij ligji, i cili ka përjashtuar vetëm zyrtar policor nga shërbimi civil në Policinë së Kosovës, mbi këtë bazë për veç tjerash të gjitha pagat nëpunësve civil dhe shtesat e nëpunësve civil të Policisë së Kosovës, rregullohen në bazë të nenit 4 paragrafi 1 dhe paragrafit 2 të Ligjit Nr.03/L-147 për Pagat e Nëpunësve Civil dhe Rregulloren Nr.33/2012 për Shtesat në Pagë dhe Kompensime të Tjera të Nëpunësve Civil, të cilat ende kanë fuqi ligjore.

Kolegji për Shqyrtimin dhe Vendosjen e Ankesave, duke shqyrtuar nenin 44 paragrafi 2 si dhe duke u ndërlidhur me neni 55 paragrafit 1 të Ligjit Nr.04/L-076 për Policinë e Kosovës, mbi të cilën bazë juridike Drejtori i Përgjithshëm i Policisë së Kosovës, ka kompetencë për nxjerrjen e akteve nënligjore që rregullojnë marrëdhënien e punës për personelin policor dhe mbi të cilën bazë juridike ka nxjerr Udhëzimin Administrativ Nr.02/2018 mbi Marrëdhënien e Punës në Policinë e Kosovës të datës 14.11.2018 por se që ky udhëzim do të duhej te jetë në harmoni me bazën ligjore që veç është e rregulluar një materie konkrete, mbi këtë bazë Kolegji për Shqyrtimin dhe Vendosjen e Ankesave, konstaton se ekziston baza ligjore që e rregullon çështjen e pagave dhe shtesave të ndryshme të nëpunësve civil, siç është Ligji Nr.03/L-147 për Pagat e Nëpunësve Civil dhe Rregullorja Nr.33/2021 për Shtesat në Pagë dhe Kompensime të Tjera të Nëpunësve Civil, rrjedhimisht dispozitat e Ligjit Nr.04/L-076 për Policinë e Kosovës, nuk mund të parashohin të drejta dhe beneficione ndryshe nga si është rregulluar kjo çështje me Ligjin Nr.03/L-147 për Pagat e Nëpunësve Civil dhe Rregullorja Nr.33/2021 për Shtesat në Pagë dhe Kompensime të Tjera të Nëpunësve Civil, prandaj pretendimet e ankueses janë të pabazuara.

Kolegji për Shqyrtimin dhe Vendosjen e Ankesave, me rastin e shqyrtimit të ligjshmërisë së pretendimeve ankimore të ankueses, ka konstatuar se Kuvendi i Republikës së Kosovës, me datë 13.05.2010 ka aprovuar Ligjin Nr.03/L-147 për Pagat e Nëpunësve Civil dhe i cili është dekretuar nga Presidenti më datë 14.06.2010, e i cili është në fuqi edhe aktualisht, i cili në dispozitën e nenit 14 paragrafi 1, nën paragrafi 1.1, 1.2 dhe 1.3 të këtij ligji, është përcaktuar se: **1. Shtesat mbi pagën bazë janë: 1.1. shtesa për punë me ndërrime dhe jashtë orarit të punës; 1.2. shtesa për kushte specifike pune; dhe 1.3. shtesa për kushtet e tregut"**, si dhe neni 4 të Rregullores Nr.33/2012 për Shtesat në Pagë dhe Kompensime të Tjera të Nëpunësve Civil, përmes të cilës ka përcaktuar kushtet dhe procedurat për shtesat dhe kompensime të tjera, mbi pagën bazë të nëpunësve civilë.

Kolegji për Shqyrtimin dhe Vendosjen e Ankesave konstaton se Drejtori i Përgjithshëm i Policisë së Kosovës me rastin e nxjerrjes së Udhëzimit Administrativ Nr.02/2018 të datës 14.11.2018 mbi Marrëdhënien e Punës në Policinë e Kosovës, nuk ka marrë për bazë dispozitat e nenit 14, 15, 16, 17 dhe 19 të Ligjit Nr.03/L-147 për Pagat e Nëpunësve Civil, si dhe neni 4 të Rregullores Nr.33/2012 për Shtesat në Pagë dhe Kompensime të Tjera të Nëpunësve Civil, sepse në dispozitat të këtij udhëzimi janë përfshirë edhe shtesa dhe beneficione tjera, dhe të cilat në raport me dispozitat e ligjit për paga Nr.03/L-147 dhe Rregullores Nr.33/2021 që specifikisht rregullojnë këtë

fushë nuk mund të kenë fuqi mbizotëruese për nëpunësit civil gjegjësit stafin civil në Policinë e Kosovës, andaj si i tillë Udhëzimi Administrativ Nr.02/2018 i datës 14.11.2018 mbi Marrëdhënien e Punës në Policinë e Kosovës nuk është i zbatueshëm për këtë kategori të nëpunësve civil brenda institucionit të Policisë së Kosovës.

Lidhur me zbatimin e Udhëzimit Administrativ Nr.02/2018 të datës 14.11.2018 mbi Marrëdhënien e Punës në Policinë e Kosovës, me datë 17.09.2021 Policia e Kosovës, ka dhënë përgjigje në ankesën e ankueses me numër protokoli 4685/2021 për Këshillin e Pavarur Mbikëqyrës për Shërbimin Civil të Kosovës, në të cilën është deklaruar se për zbatimin e Udhëzimit Administrativ Nr.02/2018 të datës 14.11.2018 mbi Marrëdhënien e Punës në Policinë e Kosovës, Policia e Kosovës ka bërë përpjekje për buxhet shtesë tek Ministria përgjegjëse me datë 24.10.2017, duke parashtruar kërkesë tek Ministria e Financave, përmes Ministrisë së Punëve të Brendshme, për sigurimin e mjeteve buxhetore shtesë për kategorinë e pagave dhe mëditjeve sipas Qarkores me numër ref.2018/02 për periudhën 2018/2020, dhe e cila kërkesë nuk është aprovuar nga Ministria e Financave.

Në rastin konkret sipas këtij deklarimi zyrtarë të Policisë së Kosovës, ka vërtetuar fakti se para se ta miratojë Udhëzimin Administrativ të datës 14.11.2018 Policia e Kosovës ka qenë dashtë të këtë një miratim nga Ministria e Financave konformë nenit 47 paragrafi 4 të Ligjit Nr.04/L-076 për Policinë e Kosovës e që në këtë mënyrë përmbajtjen dhe formën e kësaj rregullore e bënë pa bazë ligjore sa i përket kësaj kategorie të nëpunësve civilë.

Po ashtu nëse i referohemi nenit 47 të Ligjit Nr.04/L-076 për Policinë e Kosovës sa i përketë pagave dhe kompensimeve tjera Kolegji konstaton se nëse shihet përmbajtja e paragrafit 1.2 dhe 5 të këtij neni mund të konstatohet se pagat dhe kompensimet tjera sipas këtij ligji i referohen vetëm zyrtarëve policor por jo edhe stafi civil të policisë dhe se nga këto dispozita të potencuara rezulton që edhe Udhëzimi Administrativ Nr.02/2018 i datës 14.11.2018 mbi Marrëdhënien e Punës në Policinë e Kosovës kur parasheh beneficione të ndryshme për stafin civil është në kundërshtim me vetë përmbajtjen e ligjit të policisë respektivisht neni 47 paragrafi 4 në të cilin thuhet: *"4. pagat themelore dhe çdo shtesë e autorizuar përcaktohet dhe paguhet në përputhje me procedurat e përcaktuara në ligjin ne fuqi dhe aktet nënligjore. Drejtori i Përgjithshëm, me miratim të ministrit mund të përfshijë në buxhetin vjetor të policisë propozimin për shumat që nevojiten të përdoren për pagimin e çfarëdo pagese shtesë të autorizuar me ligj"*, andaj edhe mbi bazë të këtyre rrethanave nuk mund të zbatohet për nëpunësit civil brenda këtij institucioni pasi këto çështje janë të rregulluara specifikisht me Ligjin Nr.03/L-147 për Pagat e Nëpunësve Civil si dhe Rregulloren Nr.33/2012 për Shtesat në Pagë dhe Kompensimet të Tjera të Nëpunësve Civil.

Andaj, Kolegji për Shqyrtimin dhe Vendosjen e Ankesave ka konstatuar se, Policia e Kosovës edhe për kundër faktit se nuk është aprovuar kërkesa e datës 24.10.2017 nga Ministria e Financave, Drejtori i Përgjithshëm i Policisë së Kosovës prapë në kundërshtim me nenin 47 paragrafin 4 të Ligjit Nr.04/L-076 për Policinë e Kosovës, ka nxjerrë Udhëzimin Administrativ Nr.02/2018 të datës 14.11.2018 mbi Marrëdhënien e Punës në Policinë e Kosovës, duke vepruar në kundërshtim me dispozitat ligjore të nenit 19 paragrafi 1 dhe 2 si dhe nenin 23 të Ligjit Nr.03/L-147 për Pagat e Nëpunësve Civil, ku përcakton se: *"1. Institucionet e administratës publike çdo vit, së bashku me kërkesën vjetore për buxhet, dorëzojnë në ministrinë përgjegjëse për financa shumën e nevojshme për mbulimin e shpenzimeve për shtesat mbi pagën bazë në institucionin përkatës. 2. Institucionet e administratës publike çdo vit mund t'i paguajnë shtesa stafit të tyre vetëm me kusht që shumata e përgjithshme e shtesave dhe pagave bazë të jetë përcaktuar nga ministria përgjegjëse për financa,*

*brenda llogarisë së përgjithshme të përcaktuara për institucionin përkatës”, dhe nenin 23 “Institucionet e administratës publike çdo vit, së bashku me kërkesën vjetore për buxhet, dorëzojnë në ministrinë përgjegjëse për financa shumën buxhetore të nevojshme për kompensimin dhe pagesat e tjera për institucionin përkatës”, që në rastin konkret Policia e Kosovës, mbi këtë bazë nuk ka dëshmuar me asnjë provë se ka apo ekziston miratimi i Ministrisë përgjegjëse për nxjerrjen dhe zbatim të Udhëzimit Administrativ Nr.02/2018 të datës 14.11.2018 mbi Marrëdhënien e Punës në Policinë e Kosovës, sa i përketë planifikimit buxhetor, andaj edhe pretendimet e ankuesit mbi bazë të dispozitave ligjore të specifikuara më lartë janë të pabazuara.*

Kolegji për Shqyrtimin dhe Vendosjen e Ankesave, lidhur me pretendimin e ankueses për mos kompensimin e pagës së 13, shujtën ditore dhe shtesat për kualifikim shkollor, Kolegji konstaton se pretendimet ankimore janë të pabazuara dhe në kundërshtim me dispozitat e Ligjit Nr.03/L-147 për Pagat e Nëpunësve Civil, dhe nenit 20 të Rregullores Nr.33/2012 për Shtesat në Pagë dhe Kompensime të Tjera të Nëpunësve Civil, nga se me asnjë dispozitë ligjore që rregullojnë shërbimin civil nuk parashihen këto beneficione, po ashtu këto kërkesa janë të vjetruara edhe sikur kjo rregullore të prodhoj efekte juridike ndaj kësaj kategorie të nëpunësve civil nga se si kërkesa janë jashtë afateve ligjore të përcaktuara në dispozitat e nenit 127 paragrafi 1 të Ligjit Nr.05/L-031 për Procedurën e Përgjithshme Administrative i cili përcakton se: *“Ankesa duhet të parashtrohet brenda tridhjetë (30) ditëve nga data kur pala është njoftuar për aktin administrativ”* e që në rastin konkretë kemi të bëjmë me pretendime ankimore që rrjedhin nga një Udhëzimi Administrativ Nr.02/2018 i datës 14.11.2018 mbi Marrëdhënien e Punës në Policinë e Kosovës ndërsa kërkesën ankuesja në organin e punësimit e ka bërë më datë 02.09.2021 që është jashtë çdo afati ligjor sa i përket kësaj natyre të çështjes.

Po ashtu, bazuar në dispozitën ligjore në fuqi gjegjësisht të nenit 85 të Ligjit Nr.06/L-114 për Zyrtarë Publik, ku përcaktohet se: *“Me hyrjen në fuqi të këtij ligji, shfuqizohet Ligji për Shërbimin Civil nr. 03/L-149 i Republikës së Kosovës dhe çdo dispozitë tjetër në kundërshtim me këtë ligj”*, i zbatueshëm nga data 09.07.2020 sipas Aktgjykimit GJK-KO203/19-AKV të Gjykatës Kushtetuese, i cili ka shfuqizuar Ligji për Shërbimin Civil Nr.03/L-149 dhe çdo dispozitë tjetër që është në kundërshtim me këtë ligj, rrjedhimisht shfuqizohet çdo akt tjetër që është në kundërshtim me këtë ligj, duke përfshirë dhe Udhëzimin Administrativ Nr.02/2018 të datës 14.11.2018 mbi Marrëdhënien e Punës në Policinë e Kosovës, që është nxjerrë në kundërshtim me këtë ligj, ndërlidhur dhe me dispozitat transitorë të nenin 83 për dispozitat transitorë, të këtij ligji, ku përcakton se: *“1. Nëpunësi civil në marrëdhënie pune në Shërbimin Civil, në pajtim me Ligjin e Shërbimit Civil (03/L-149) dhe që mban një pozitë ekuivalente me pozitat e nëpunësve civilë sa i përket funksioneve dhe përgjegjësi, konsiderohet nëpunës civil sipas nenit 2, paragrafi 3 të këtij ligji, në datën e hyrjes në fuqi të këtij ligji”*.

~~Bazuar në këto rrethana, Kolegji për shqyrtimin e ankesave dhe vendosjen e ankesave, pas analizimit dhe vlerësimit të të gjitha shkresave të lëndës si dhe duke u bazuar në kompetencën e Këshillit, vendosi si në dispozitiv të këtij Vendimi.~~


Vendimi hyn në fuqi me datën e nënshkrimit nga Kryetarja e Kolegjit.

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS**

Lënda me numër A.nr.780/2021.

Avdyll BEKTESHI

  
Procesmbajtës

MALSORE GASHI BAJRAKTARI

  
Kryetare e Kolegjit



**Vendimi i dorëzohet:**

- Ankueses
- Drejtorit të Përgjithshëm të Policisë së Kosovës;
- Udhëheqësit të Personelit në Policinë e Kosovës dhe
- Arkivit të KPMSHCK- së;

